

**Ordenanza reguladora da taxa sobre recollida domiciliaria de lixos ou residuos sólidos urbanos e xestión do punto limpo.**

#### **Artigo 1. Fundamento e réxime**

Este Concello conforme ó autorizado polo artigo 106 da Lei 7/85 do 2 de abril, reguladora das Bases do Réxime Local e de acordo co previsto no artigo 20.4.s) do Real decreto legislativo 2/2004, do 5 de marzo, polo que se aproba o Texto refundido da Lei de facendas locais, establece a Taxa por Recollida de Lixos, que se regulará pola presente Ordenanza, redactada conforme ó disposto no artigo 16 do RDL 2/2004 citado.

#### **Artigo 2. Feito imponible**

1. O feito imponible ven determinado pola prestación do servizo de recollida de lixos domiciliarios e residuos sólidos urbanos de vivendas, aloxamentos e locais ou establecementos donde se exerzan actividades industriais, comerciais, profesionais, artísticas e de servizos, así como o mantemento e xestión do punto limpo.
2. O servizo de recollida de lixos domiciliarios será de recepción obrigatoria para aquelas zonas ou rúas onde se preste e a súa organización e funcionamento subordinarase ás normas que dicte o Concello para a súa regulamentación.

#### **Artigo 3. Suxeitos pasivos**

1. Son suxeitos pasivos desta Taxa, en concepto de contribuíntes, as persoas físicas e xurídicas, así como as herdanzas xacentes, comunidades de bens e demais entidades que, carentes de personalidade xurídica, constitúan unha unidade económica ou un patrimonio separado, susceptible de imposición, que resulten beneficiadas pola prestación do servizo.
2. Terán a consideración de substitutos do contribuínte, os propietarios dos inmobles ou locais, os cales poderán repercutir, no seu caso, as cotas sobre os respectivos beneficiarios.

#### **Artigo 4. Responsables**

1. Serán responsables solidariamente das obrigacións tributarias establecidas nesta Ordenanza toda persoa causante ou colaboradora na realización dunha infracción tributaria. Nos supostos de declaración consolidada, toda-las sociedades integrantes do grupo serán responsables solidarias das infraccións cometidas neste réxime de tributación.
2. Os copartícipes ou cotitulares das herdanzas xacentes, comunidades de bens e demais entidades que, carentes de personalidade xurídica, constitúan unha unidade económica ou un patrimonio separado, susceptible de imposición, responderán solidariamente e en proporción ás súas respectivas participacións das obrigacións tributarias de ditas entidades.
3. Serán responsables subsidiarios das infraccións simples e da totalidade da débeda tributaria no caso de infraccións graves cometidas polas persoas xurídicas, os administradores daquelas que non realicen os actos necesarios da súa incumbencia, para o cumprimento das obrigacións tributarias infrinxidas, consintiran no incumprimento por aqueles que dependan deles ou adopten acordos que fixeran posible as infraccións. Asimesmo, tales administradores responderán subsidiariamente das obrigacións tributarias que estean pendentas de cumprimentar polas persoas xurídicas que cesaran nas súas actividades.
1. Serán responsables subsidiarios os síndicos, interventores ou liquidadores de crebas, concursos, sociedades e entidades en xeral, cando por negligencia ou mala fe non realicen as xestións necesarias para o total cumprimento das obrigacións tributarias devengadas con anterioridade a ditas situacións e que sexan imputables ós respectivos suxeitos pasivos.

#### **Artigo 5. Devengo**

A obrigación de contribuír nacerá dende que teña lugar a prestación dos servizos, se ben entenderase, dada a natureza de recepción obrigatoria da recollida de lixo, que tal prestación ten lugar cando estea establecido e en funcionamento o servizo nas zonas ou rúas onde figuren domiciliados os contribuíntes suxeitos á Taxa. O período impositivo comprenderá o ano natural e devengarase o 1 de xaneiro de cada ano, agás nos supostos de inicio ou cese no servizo, caso no cal prorratearase a cota por trimestres naturais.

#### **Artigo 6. Base imponible e liquidable**

A base imponible estará constituída pola clase e natureza de cada centro produtor do lixo: Vivenda, restaurante, bar, cafeterías e locais comerciais ou industriais. A estes efectos considerarase como lixo todo residuo ou detrito, embalaxes, recipientes ou envoltorios de alimentos, vestidos, calzados, etc., así como o produto da limpeza dos pisos ou vivendas e as das mesmas clases de comercios e industrias,

excluíndose os residuos de tipo industrial, escombros de obras, detritos humanos, ou calquera outra materia, da que a recollida ou vertido esixa especiais medidas hixiénicas, profilácticas ou de seguridade.

#### Artigo 7. Cota tributaria

As cotas anuais a aplicar serán as seguintes:

<b>1.</b>	<b>Vivendas</b>	<b>Euros/ano</b>	
		<b>1 día/semana</b>	<b>2 días/semana</b>
1.1	Recollida	47,09	66,22
<b>2.</b>	<b>Cafeterías, pubs</b>	<b>Euros/ano</b>	
		<b>1 día/semana</b>	<b>2 días/semana</b>
2.1	Recollida	94,64	132,72
<b>3.</b>	<b>Bares, tabernas, mesóns e análogos</b>	<b>Euros/ano</b>	
		<b>1 día/semana</b>	<b>2 días/semana</b>
3.1	Recollida	94,64	132,72
<b>4.</b>	<b>Restaurantes</b>	<b>Euros/ano</b>	
		<b>1 día/semana</b>	<b>2 días/semana</b>
4.1	Ata 150 m <sup>2</sup>	94,64	132,72
4.2	De 151 m <sup>2</sup> a 300 m <sup>2</sup>	111,09	146,37
4.3	De máis de 301	132,78	168,12
<b>5.</b>	<b>Supermercados e asimilados</b>	<b>Euros/ano</b>	
		<b>1 día/semana</b>	<b>2 días/semana</b>
5.1	Ata 150 m <sup>2</sup>	155,90	218,47
5.2	De 151 m <sup>2</sup> a 300 m <sup>2</sup>	195,35	290,52
5.3	De máis de 301	233,37	310,90
<b>6.</b>	<b>Tendas, ultramarinos, comercio en xeral e outros servicios non expresamente tarifados</b>	<b>Euros/ano</b>	
		<b>1 día/semana</b>	<b>2 días/semana</b>
6.1	Recollida	89,28	124,68
<b>7.</b>	<b>Whisquerías e clubs</b>	<b>Euros/ano</b>	
		<b>1 día/semana</b>	<b>2 días/semana</b>
7.1	Recollida	94,64	132,72
<b>8.</b>	<b>Discotecas, salóns de baile, cines e similares</b>	<b>Euros/ano</b>	
		<b>1 día/semana</b>	<b>2 días/semana</b>
8.1	Recollida	219,79	291,89
<b>9.</b>	<b>Hoteis, hostais, moteis, casas de hoxpedaría e establecementos análogos</b>	<b>Euros/ano</b>	
		<b>1 día/semana</b>	<b>2 días/semana</b>
9.1	Hoteis, hostais e moteis	219,79	291,89
9.2	Casas de hoxpedaxe e establecementos análogos	183,20	255,18
<b>10.</b>	<b>Despachos profesionais, Entidades aseguradoras</b>	<b>Euros/ano</b>	
		<b>1 día/semana</b>	<b>2 días/semana</b>
10.1	Recollida	89,28	124,68

11.	Entidades financeiras	Euros/ano	
		1 día/semana	2 días/semana
11.1	Recollida	363,94	440,04

12.	Farmacias, parafarmacias e similares	Euros/ano	
		1 día/semana	2 días/semana
12.1	Recollida	89,28	124,68

13.	Almacéns	Euros/ano	
		1 día/semana	2 días/semana
13.1	Ata 200 m <sup>2</sup>	124,68	183,08
13.2	De 201 m <sup>2</sup> a 400 m <sup>2</sup>	146,37	204,83
13.3	De 401 m <sup>2</sup> a 1000 m <sup>2</sup>	168,12	226,46
13.4	De 1001 m <sup>2</sup> a 5000 m <sup>2</sup>	219,79	291,89
13.5	Máis de 5000 m <sup>2</sup>	255,18	363,94
13.6	Almacéns ubicados en zonas industriais, por cada contedor	146,37	219,79

14.	Industrias, fábricas e talleres	Euros/ano	
		1 día/semana	2 días/semana
14.1	Ata 200 m <sup>2</sup>	124,68	183,08
14.2	De 201 m <sup>2</sup> a 400 m <sup>2</sup>	146,37	204,83
14.3	De 401 m <sup>2</sup> a 1000 m <sup>2</sup>	168,12	226,46
14.4	De 1001 m <sup>2</sup> a 5000 m <sup>2</sup>	219,79	291,89
14.5	Máis de 5000 m <sup>2</sup>	255,18	363,94
14.6	Empresas ubicadas en zonas industriais, por cada contedor	146,37	219,79

15.	Centros de ensinanza privados	Euros/ano	
		1 día/semana	2 días/semana
15.1	Recollida	89,28	124,68

16.	Outros non clasificados	Euros/ano	
		1 día/semana	2 días/semana
16.1	Gasolineiras	89,28	124,68
16.2	Tanatorio	94,64	132,72
16.3	Matadeiros		
16.3.1	Ata 300 m <sup>2</sup>	124,68	183,08
16.3.2	Máis de 300 m <sup>2</sup>	146,37	204,83
16.4	Outros non clasificados	89,28	124,68

#### Artigo 8.

As cotas por prestación de servizos de carácter xeral e obrigatorio devengarase dende que naza a obrigaón de contribuír, esixíndose anualmente nos prazos sinalados no Regulamento Xeral de Recaudación para os ingresos por recibo, con excepción da liquidación da alta inicial no padrón que se recaudará por ingreso directo.

#### Artigo 9. Exencións, reducións e demais beneficios legalmente aplicables

De conformidade co disposto no artigo 9 , do Real decreto legislativo 2/2004, do 5 de marzo, polo que se aproba o Texto refundido da Lei de facendas locais, non se recoñece beneficio tributario algún, agás os que sexan consecuencia do establecido nos Tratados ou Acordos Internacionais ou veñan previstos en normas con rango de Lei, así como aqueles que, sendo beneficiarios do servizo, se atopen en situación de exclusión social, previo informe dos servizos sociais municipais, os cales terán unha bonificación do 100%.

#### Artigo 10. Prazos e forma de declaración e ingresos

Tóda-las persoas obrigadas ó pago deste tributo, deberán presentar no prazo de trinta días na Administración Municipal, declaración das vivendas ou establecementos que ocupen, mediante escrito dirixido ó Sr. Presidente da Corporación. Transcurrido dito prazo sen presentar a declaración, a

Administración sen prexuízo das sancións que procedan, efectuará de oficio a alta na correspondente matrícula do tributo.

**Artigo 11.**

O tributo recaudarase anualmente nos prazos sinalados no Regulamento Xeral de Recaudación para os tributos de notificación colectiva e periódica, agás que, para un exercicio en concreto o Pleno Municipal dispoña outra cousa. Por excepción a liquidación correspondente á alta inicial na matrícula ingresarase nos prazos indicados no citado Regulamento para os ingresos directos.

**Artigo 12. Infraccións e sancións tributarias**

En todo o relativo á calificación de infraccións tributarias e sancións, ademais do previsto nesta Ordenanza, estarase ó disposto nos artigos 181 e seguintes da Lei Xeral Tributaria e demais normativa aplicable.